

Broj: 1-25-16-4-713-17/18
Mostar, 30.08.2018. godine

Na osnovu člana 17. Zakona o Agenciji za pružanje usluga u zračnoj plovidbi BiH (“Službeni glasnik BiH”, broj 43/09), člana 64. stav (1) tačka a) i člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14), člana 20. i člana 24. Statuta Agencije za pružanje usluga u zračnoj plovidbi BiH (“Službeni glasnik BiH”, broj 63/10) i Preporuke Komisije za javnu nabavku broj: 1-25-16-4-713-16/18 od 20.08.2018. godine u postupku javne nabavke usluge izrade sveobuhvatne metodologije alokacije troškova (en route – terminal), direktor Agencije za pružanje usluga u zračnoj plovidbi Bosne i Hercegovine, na osnovu zaključka sa 74. sjednice Uprave Agencije održane dana 29.08.2018. godine, donosi

ODLUKU o izboru najpovoljnijeg ponuđača

Član 1.

Prihvata se Preporuka Komisije za javne nabavke broj: 1-25-16-4-713-16/18 od 20.08.2018. godine i ugovor/okvirni sporazum za javnu nabavku usluge izrade sveobuhvatne metodologije alokacije troškova (en route – terminal) dodjeljuje se ponuđaču **Helios Technology Limited – United Kingdom**, s ukupnom ponuđenom cijenom u iznosu od 40.000,00 EUR bez PDV-a, odnosno 78.233,2 KM bez PDV-a.

Član 2.

Ova odluka objavit će se na web-stranici www.bhansa.gov.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

O b r a z l o ž e n j e

Na osnovu Odluke o pokretanju postupka javne nabavke usluge izrade sveobuhvatne metodologije alokacije troškova (en route – terminal), broj 1-11-16-4-713-1/18 od 22.03.2018.godine, Komisija je pristupila provođenju otvorenog postupka sa ciljem zaključivanja okvirnog sporazuma o nabavci usluge izrade sveobuhvatne metodologije alokacije troškova (en route – terminal) objavom Obavještenja o nabavci broj: 1250-1-2-79-3-42/18 na Portalu javnih nabavki i u Službenom glasniku BiH broj 36/18.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 85.000,00 KM.

Kriterij za dodjelu ugovora/okvirnog sporazuma je „ekonomski najpovoljnija ponuda“ sa slijedećim kriterijima: a) cijena – čija je vrijednost 80 (80 %)

b) rok za izvršenje – čija je vrijednost 20 (20 %)

Dana 29.06.2018. godine zaprimljena je žalba na tendersku dokumentaciju od Društva za reviziju BDO BH d.o.o. zastupanog po punomoćniku Brkić Alemdaru, advokatu iz Tešnja. Ista je sa Izjašnjenjem na navode žalbe i potrebnom dokumentacijom proslijeđena na odlučivanje Uredu za razmatranje žalbi. Zaključkom broj: JN2-01-07-1-384-5/18 od 25.07.2018. godine URŽ je odbacio žalbu žalitelja kao neurednu.

Po zaprimanju istog, Komisija je izvršila izmjenu tenderske dokumentacije, te ispravku Obavještenja o nabavci, kako bi zakazala novi rok predaje i otvaranja ponuda.

U skladu sa Izvještajem o preuzimanju tenderske dokumentacije od strane ponuđača sa Portala javnih nabavki, do krajnjeg roka za preuzimanje tenderske dokumentacije istu su preuzeli sljedeći dobavljači:

1. ekapija doo
- 2 CCSN
- 3 BBS Europe
- 4 Institut za građevinarstvo "IG" Banja Luka
- 5 Ernst & Young d.o.o. Sarajevo
- 6 awos tenders
- 7 Deloitte d.o.o.
- 8 KPMG B-H D.O.O. ZA REVIZIJU
- 9 HELIOS TECHNOLOGY LIMITED
- 10 Ekonomski institut Sarajevo
- 11 JP MEĐUNARODNI AERODROM SARAJEVO D.O.O. SARAJEVO
- 12 CITY ŠPED d.o.o.
- 13 Revicon doo Sarajevo
- 14 PricewaterhouseCoopers d.o.o.
- 15 BDO BH d.o.o. Sarajevo
- 16 ADITON D.O.O.

Komisija je konstatovala da je u predviđenom roku, u propisno zapakovanoj koverti pristigla ponuda ponuđača, i to kako slijedi:

1. Helios Technology Limited – United Kingdom

Prije analiziranja ponude konstantirano je da je tendersku dokumentaciju preuzelo 16 dobavljača, da je bila jedna žalba, koja je odbačena od strane URŽ-a, da nije bilo traženih pojašnjenja ni upita, iz čega proizilazi da su u tenderskoj dokumentaciji date precizne i potpune informacije o pripremi iste, te da je u tenderskoj dokumentaciji jasno precizirano šta se sve podrazumijeva pod prihvatljivom ponudom, kao i uslovi koje svi ponuđači moraju ispuniti. Komisija je u skladu s odredbama ZJN, pristupila otvaranju ponude o čemu je sačinjen poseban zapisnik koji je u zakonskom roku dostavljen ponuđačima.

Original Zapisnik s otvaranja ponuda priložen je uz ovaj Izvještaj.

Nakon otvaranja ponuda Komisija je nastavila rad na analizi pristiglih ponuda, te izvršila ocjenjivanje istih prema kriterijima definisanim tenderskom dokumentacijom, kako slijedi:

Ponuda ponuđača Helios Technology Limited – United Kingdom je sačinjena u skladu sa uslovima postavljenim tenderskom dokumentacijom.

Ponuda sadrži i sve dokumente uz izjavu iz tačke 8. tenderske dokumentacije (čl.45. ZJN), te iste nije potrebno naknadno dostavljati.

Analizom je utvrđeno da ponuda nema računskih grešaka.

Obzirom da je u tenderskoj dokumentaciji navedeno“ Cijena mora biti izražena u konvertibilnim markama. Međutim, za ponuđače iz inostranstva, mogu se dostaviti cijene i u EUR-ima, s tim što će se ukupni iznos preračunati u KM po kursu koji utvrđuje Centralna banka Bosne i Hercegovine na dan otvaranja ponuda i zadržati po istom kursu sve do isteka perioda važenja ponude“, u skladu sa

navedenim ponuđena cijena (sa popustom) u ukupnom iznosu od 40.000,00 EUR bez PDV-a preračunata u KM iznosi 78.233,2 KM bez PDV-a (80%). Rok za izvršenje usluge, prema ponudi je 90 dana (20%).

Usaglašeno je da ponuda ponuđača Helios Technology Limited – United Kingdom zadovoljava sve postavljene uslove i kriterije iz tenderske dokumentacije.

Komisija za javnu nabavku dostavila je Upravi Agencije Zapisnik o pregledu i ocjeni ponuda broj: 1-25-16-4-713-14/18 od 17.08.2018.godine, Izvještaj o radu komisije broj: 1-25-16-4-713-15/18 od 20.08.2018.godine, Preporuku o izboru najpovoljnijeg ponuđača broj: 1-25-16-4-713-16/18 od 20.08.2018.godine i prijedlog Odluke o izboru najpovoljnijeg ponuđača.

U postupku po izvještaju o radu je utvrđeno je da je Komisija za javnu nabavku blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjele ponude, shodno kriterijima iz Tenderske dokumentacije.

U postupku ocjene provedenog postupka, Uprava Agencije nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, a primjenom člana 64. stava (1) tačka a) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke.



Dostaviti:

1. *Helios Technology Limited, 29 Hercules Way, Aerospace Boulevard Farnborough, Hampshire GU14 6UU, United Kingdom, fax : 00 44 1252 451 652*
2. *a/a.*